



Inatsisartuni ilaasortaq  
Mala Høy Kúko, Siumut  
/Maani

## **Nunaqarfinni imeq kuinnartoq pillugu § 37 naapertorlugu apeqquteqaam- mut 113-2023-imut akissut.**

Allakkat ulluat: 18-07-2023  
Suliap normua: 2023 - 3743  
Allagaatip ilisarnaataa:  
23171107

Asasara Mala Høy Kúko

Inatsisartut suleriaasianni § 37, imm. 1 naapertorlugu Nunaqarfinni imeq kuin-  
nartoq pillugu Naalakkersuisunut apeqquteqaateqarputit.  
Apeqqutit uannit akisassanngorlugit innersuunneqarput.

Postboks 1614  
3900 Nuuk  
Oqarasuaat: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

### **1. Naalakkersuisut oqaatigisinnaavaat Kalaallit Nunatsinni nunaqarfinni Imermik kuuginnartumik sumi peqartoqannnginnersoq?**

Akissut:

Nukissiorfiit akissuteqaammik ilassuteqaqqullugit pissarsiniartoqarpoq, imalu  
paasissutissiipput:

*"Nunami maani illoqarfiit nunaqarfiillu tamarmik imermik pilersuinissamik pi-  
lersitsivigineqarnikuupput, nunaqarfiit Upernaviup eqqaaniittut marluusut eqqa-  
assanngikkaanni: Nutaarmiut aamma Naajaat. Taamaalilluni Nukissiorfiit nu-  
nap inuisa 99,8 %-ii imermik imerneqarsinnaasumik pilersugarai. Atuisulli ta-  
marmiunngitsut imermik maqittakkamik ikkussivigineqarsimanngillat, annermik  
nunaqarfinni imermik atuisut amerlasuut imertartarfinnut imertartarput. Nuna-  
qarfiit ilaanni illut ataasiakkaat imermik maqittakkamik ikkussivigineqarsimap-  
put."*

### **2. Imermik kuuginnartumik nunaqarfiit peqanngitsut Naalakkersuisuniit qanoq pilersaarusiortfigineqarpat?**

Akissut:

Nukissiorfiit akissuteqaammik ilassuteqaqqullugit pissarsiniartoqarpoq, imalu  
paasissutissiipput:

*"Nukissiorfiit illoqarfinni aamma nunaqarfinni ataavartumik, kallerup innera-  
nik, imermik aamma kiassarnermik pilersuinissaminnut Nukissiorfinni atuisunut  
ataavartumik pitsaanerpaaq anguniarlugu neqerooruteqartarput. Nukissiorfiit  
2015-imiilli 80 million koruunit missaani nunaqarfinni imeqarfiit suliarineqar-  
nissaanut aningaasaliisimapput. Sulianut arlalinnut ilaapput nunaqarfinni led-  
ningilersuinissat."*

*Nukissiorfiit ukiuni arlalinni suliarisimavaat imermik maqittakkanik pilersuinis-  
samik qularnaarniarlugu ikkussuinissamik annertusaanissaq – illoqarfiune-  
rusuni imermik angallassilluni aatsisartoqarfiusuusunut. Tamanna qulakkiissal-  
lugu ajornakusoortuuvoq, piffinni aalajangersimasumi tamatigut Nukissiorfeqar-  
finni imermik maqittakkamik ikkussuinissaq isumagisarissallugu sulias-  
sarinngimmassuk. Tamannami atuisut ataasiakkaat aalajangigassaraat anin-  
gaasalersussallugu aamma Nukissiorfiit pingaarnertut imermut ledningeqarfia-  
nut ikkussuinissaq, amerlanertigullu aningaasartuutaasussat illup naleqassusaa-  
nut naleqquttuusaratik imaluunniit atuisunut ataasiakkaanut aningaasatigut  
nammaneqarsinnaasarani. Tamaattoqassatillugulu piumasarineqartarpoq, ata-  
atsimoorullugu kommunip anartarfinnut nunaqarfimmi pineqartumi ikkussinis-  
saa.*

**3. Imermik kuuginnartunik nunaqarfinni pilersaarusiortoqassappat  
sumiiffiit sorliit siullinneqarnissaat pillugit Naalakkersuisut piler-  
saaruteqarpat?**

**a. Pilersaarutit qaqugu aallartinniarneqarpat?**

Akissut:

Nukissiorfiit akissuteqaammik ilassuteqaqqullugit pissarsiniartoqarpoq, imalu  
paasissutissiipput:

*”Nukissiorfiit illoqarfinni nunaqarfinnilu imermik pilersuinermik ingerlaavar-  
tumik sanaartortitsipput pitsanngorsaateqarlutillu, nunaqarfinnilu nutaanik  
imertartarfiliortitsinikkut pilersitsiortorlutik. Nukissiorfiit naatsorsuutigivaat  
ilaatigut nunaqarfinni ukunani sanaartortitsiniarlutik: Kangaamiut, Oqaatsut,  
Sarfannguit, Upernavik Kujalleq aammalu Akunnaaq.*

*Ukioq manna Naalakkersuisut imermik pilersuinermut immikkoortumut piler-  
saarut suliaralugu aallarnisarpaat, nuna tamakkerlugu imermik pilersuinerup  
siunnerfeqartumik aammalu piffissalersukkamik ineriartortinniarlugu, taamaa-  
lilluni Nukissiorfiit nangittumik imermik tunniussaqaarsinnaaner atatsisinut  
atuuttunut aamma FN-imi nunasuarmi anguniagassatut pilersaarutaasumut  
angummasinnaajumalluni.*

**4. Nunaqarfinni imermik kuuginnartunik pilersitsivigineqarnikuunngitsunik  
pilersitsisoqassappat, aningaasat qanoq amerlatigisut Naalakkersuisuniit  
atorneqarnissaat naatsorsuutigineqarpat?**

Akissut:

Imermik pilersuinermut atatillugu immikkoortumi pilersaarut Naalakkersuisut  
suliaralugu aallarnisarpaat. Immikkoortumi pilersaarutip nuna tamakkerlugu  
imermik pilersuinerup siunnerfeqartumik aamma piffissalersukkamik ineriartor-  
tinnissaanut aallartissavaa.

**5. Pilersaaruteqartoqanngippat imermik kuuginnartumik nunaqarfiit pilersornissaannik, suna Naalakkersuisuniit tunngavilersuutigineqarpa?**

Akissut: Apeqquummut normu 4-mut akissummut innersuunneqarpoq.

Neriuppunga apeqquutigisat, qulaani akissutigineqartutuut akissutigineqartoq.

Inussiarnersumik inuulluaqqusillunga

  
Kalistat Lund